

Na osnovu člana 3. stav 2. i člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 44. Zakona o izvršavanju budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), na zajednički prijedlog premijera Zeničko-dobojskog kantona i Ministarstva finansija, Vlada Zeničko-dobojskog kantona, na 12. sjednici, održanoj dana 19.01.2024. godine, d o n o s i

ODLUKU

o privremenom raspolaganju namjenskim sredstvima budžeta u 2024. godini

Član 1.

(Privremeno raspolaganje)

Odobrava se, radi prevazilaženja tekuće nelikvidnosti Budžeta Zeničko-dobojskog kantona u 2024. godini, privremeno raspolaganje namjenskim sredstvima korisnika budžeta (Ministarstva za poljoprivredu, šumarstvo i vodoprivredu, Ministarstva za prostorno uređenje, promet i komunikacije i zaštitu okoline, Ministarstva za privredu i Ministarstva unutrašnjih poslova), a koja se nalaze na transakcijskom računu, u okviru Jedinствenog računa Trezora (JRT) Zeničko-dobojskog kantona, broj: 1340100000017386, otvorenog kod ASA Banke d.d. Sarajevo, knjigovodstveno evidentiranih na kontima 391000 – Kratkoročna razgraničenja.

Član 2.

(Realizacija utroška namjenskih prihoda)

Privremeno raspolaganje namjenskim prihodima korisnika budžeta može se vršiti do iznosa koji ne ugrožava servisiranje obaveza proisteklih iz posebnih propisa, s tim da se privremenim raspolaganjem namjenskim prihodima korisnika budžeta, ne ugrožava realizacija/plaćanje obaveza stvorenih iz navedenih namjenskih sredstava od strane nadležnih budžetskih korisnika, niti se dovodi u pitanje namjensko korištenje tih namjenskih sredstava.

Član 3.

(Saglasnost)

Donošenjem ove odluke smatra se da je data saglasnost resornih kantonalnih ministarstava za privremeno raspolaganje namjenskim sredstvima.

Član 4.

(Povrat namjenskih sredstava)

Povrat namjenskih sredstava mora biti izvršen najkasnije do 31.12.2024. godine, a u slučaju potrebe i nepredviđenih okolnosti, do roka koji svojom odlukom odredi Vlade Kantona.

Član 5.

(Realizacija Odluke)

Za realizaciju ove odluke zadužuju se Ministarstvo finansija, Ministarstvo za poljoprivredu, šumarstvo i vodoprivredu, Ministarstvo za prostorno uređenje, promet i komunikacije i zaštitu okoline, Ministarstvo za privredu i Ministarstvo unutrašnjih poslova, svako u okviru svoje nadležnosti.

Član 6.
(Stupanje na snagu Odluke i objavljivanje)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Broj: 02-11-1430/24

Datum, 19.01.2024. godine

Z e n i c a

Nezir Pivić

DOSTAVLJENO:

1x Ministarstvo finansija,

1x Ministarstvo za poljoprivredu, šumarstvo i vodoprivredu,

1x Ministarstvo za prostorno uređenje, promet i komunikacije i zaštitu okoline,

1x Ministarstvo za privredu,

1x Ministarstvo unutrašnjih poslova,

1x „Službene novine Zeničko-dobojskog kantona“,

1x a/a.